



# 叢書集成三編 第九〇冊目錄

史地類



## 歷代紀事本末

|                          |         |      |     |     |
|--------------------------|---------|------|-----|-----|
| 通鑑紀事本末二三九卷(四)自卷二百廿五至二百卅九 | 宋 袁 樞撰  | 九朝紀事 | 〇九〇 | 〇〇一 |
| 世史正綱卅二卷                  | 明 張 溥論正 | 丘文莊公 | 〇九〇 | 一七三 |
| 通鑑注辨正二卷                  | 明 丘 濬著  | 潛研堂  | 〇九〇 | 六六五 |
| 通鑑補正畧三卷(又名：嚴永思先生通鑑補正畧)   | 清 錢大昕撰  | 嶠帆樓  | 〇九〇 | 六九一 |
| 古史紀年十四卷(自卷一至七)           | 清 張敦仁輯錄 | 大    | 〇九〇 | 八〇五 |
|                          | 清 林春溥撰  | 竹柏山房 | 〇九〇 | 八〇五 |



通鑑紀事本末

四



通鑑紀事本末卷二百二十五

宋 建安 張 編 正  
明 太 倉 張 譚 論

馬氏據湖南

唐僖宗光啓二年。初忠武決勝指揮使孫儒與龍驤指揮使朗山劉建鋒戍蔡州。拒黃巢扶漢馬殷。軍中以材勇聞。及秦宗權叛。儒等皆屬焉。

三年。秦宗權與楊行密爭揚州。以孫儒為副。張佖劉建鋒馬殷皆從。

昭宗景福元年夏五月。楊行密屢敗孫儒兵。破其廣德營。張訓屯安吉。斬其糧道。儒食盡。士卒大疫。遣其將劉建鋒馬殷分兵掠諸縣。行密縱兵擊儒。斬之。儒衆多降。於行密。劉建鋒馬殷收餘衆七千。南走洪州。推建鋒為帥。殷為先鋒。指揮使以行軍司馬張佖為謀主。比至江西。衆十餘萬。

乾寧元年五月。劉建鋒馬殷引兵至澧陵。武安節度使鄧處訥遣邵州指揮使將勛鄧繼崇將步騎三千守龍回關。殷先至關下。遣使詣勛。勛等以牛酒犒師。殷使說勛曰。劉龍驤智勇兼人。術家言當興翼軫間。今將十萬衆。精銳無敵。而君以鄉兵數千拒之。難矣。不如先下之。取富貴還鄉里。不亦善乎。勛等然之。謂衆曰。東君許吾屬還士卒皆懼。呼棄旗幟。鐘仗遁去。建鋒令前鋒衣其甲。張其旗。趨潭州。潭人以為邵州兵。還不為備。建鋒徑入府。處訥方宴。擒斬之。戊辰。建鋒入潭州。自稱留後。

二年夏四月戊戌。以劉建鋒為武安節度使。建鋒以馬殷為內外馬步軍都指揮使。冬十一月。將勛求為邵州刺史。劉建鋒不許。勛據邵州。使其將申德昌屯定勝鎮。以扼潭人。

三年春正月丁巳。劉建鋒不許指揮使馬殷將兵討將勛。攻定勝寨破之。夏四月。武安節度使劉建鋒既得志。嗜酒不親政事。長直兵陳膳妻美。建鋒私之。膳袖鐵槌擊殺建鋒。諸將殺膳。迎行軍司馬張佖為留後。佖將入府。馬忽踉蹌傷左髀。時馬殷攻邵州未下。佖謝諸將曰。馬公勇而有謀。寬厚樂善。吾所不及。真乃主也。乃以牒召之。殷猶豫未行。聽直軍將汝南姚彥章說殷曰。公與劉龍驤張司馬一體人也。今龍驤遇禍。司馬傷髀。天命人望。捨公尚誰屬哉。殷乃使親從都副指揮使李璣留攻邵州。徑詣長沙。五月。馬殷至長沙。張佖肩輿入府。坐受殷拜謁。已乃命殷升

建鋒私陳  
膳妻膳殺  
之諸將殺  
膳迎張佖  
為留後佖  
傷髀乃讓

將勛據邵  
州

殷

高郁說殷  
修霸業

殷遣秦彥  
暉李瓊擒  
新王建武  
陳可璠劉  
士政出降

楊行密請  
殷絕未全  
忠許德勳  
言不可  
行密遣馬  
寶歸殷

殷議入貢

殷

聽事以留後讓之即趨下帥將吏拜賀復為行軍司馬代殷將兵攻邵州秋九月以湖南留後馬殷判湖南軍府事殷以高郁為謀主郁揚州人也殷畏楊行密成汭之疆議以金帛結之高郁曰成汭不足畏也行密公之讎雖以萬金賂之安肯為吾援乎不若上奉天子下撫士民訓卒厲兵以脩霸業則誰與為敵矣殷從之

光化元年春三月以潭州刺史判湖南軍府事馬殷知武安留後時湖南管内七州賊帥楊師遠據衡州唐世文據永州蔡結據道州陳彥謙據郴州魯景仁據連州殷所得惟潭邵二州而已夏五月湖南將彥姚章言於馬殷請取衡永道連郴五州仍薦李瓊為將殷以瓊及秦彥暉為嶺北七州游奕使張圖英李唐副之將兵攻衡州斬楊師遠引兵趣永州圍之月餘唐世文走死殷以李唐為永州刺史

二年秋七月馬殷遣其將李唐攻道州蔡結聚群蠻伏兵於隘以擊之大破唐兵唐曰蠻所恃者山林耳若戰平地安能敗我乃命因風燔林光燭天地羣蠻驚遁遂拔道州擒結斬之冬十一月馬殷遣其將李瓊攻郴州執陳彥謙斬之進攻連州魯景仁自殺湖南皆平

三年冬十月靜江節度使劉士政聞馬殷悉平嶺北大懼遣副使陳可璠屯全義嶺以備之殷遣使脩好於士政可璠拒之殷遣其將秦彥暉李瓊等將兵七千擊士政湖南軍至全義士政又遣指揮使王建武屯秦城可璠掠縣民耕牛以犒軍縣民怨之請為湖南鄉導曰此西南有小徑距秦城纔五十里僅通單騎彥暉遣李瓊將騎六十步兵三百襲秦城中宵踰垣而入擒王建武比明復還紿之以練造可璠壁下示之可璠猶未之信斬其首投壁中桂人震恐瓊因勒兵擊之擒可璠降其將士二千皆殺之引兵趣桂州自秦城以南二十餘壁皆望風奔潰遂圍桂州數日士政出降桂宜嚴柳象五州皆降於湖南馬殷以李瓊為桂州刺史未幾表為靜江節度使

天復三年夏四月楊行密遣使詣馬殷言朱全忠跋扈請殷絕之約為兄弟湖南大將許德勳曰全忠雖無道然挾天子以令諸侯明王素奉王室不可輕絕也殷從之

天祐元年初馬殷弟賓性沈勇事孫儒為百勝指揮使儒死事楊行密屢有功還黑雲指揮使行密嘗從容問其兄弟乃知為殷之弟大驚曰吾常怪汝器度瓌偉果非常人當遣汝歸賓泣辭曰賓淮西殘兵大王不殺而寵仕之湖南地近常得兄聲問賓事大王久不願歸也行密固遣之是歲賓歸長沙行密親餞之郊賓至長沙殷表賓為節度副使它日殷議入貢天子賓曰楊王地廣兵彊與吾郡接不若與之結好大可以為緩急之援小可通商之計殷

秦彥輝黃  
瑤大敗淮  
南兵陳知  
新劉存被  
執不屈而  
死

詔高季昌  
馬殷討雷  
彥恭  
雷彥恭乞  
降於淮南  
遣李業季  
饒來救許  
德勳擊斬  
之  
彥恭敗奔  
淮南楚將

作色曰楊王不事天子一旦朝廷致討罪將及吾汝置此論勿為吾禍

昭宣帝天祐三年吉州刺史彭玕遣使請降於湖南玕本赤石洞蠻酋鎮南節度使鍾傳用為吉州刺史

後梁太祖開平元年夏四月辛未以武安節度使馬殷為楚王五月弘農王以鄆岳觀察使劉存為西南面都招

討使臨州刺史陳知新為岳州團練使廬州觀察使劉威為應援使別將許玄應為監軍將水軍三萬以擊楚楚王

馬殷甚懼靜江軍使楊定真賀曰我軍勝矣殷問其故定真曰夫戰懼則勝驕則敗今淮南兵直趨吾城是驕而輕

敵也而王有懼色吾是以知其必勝也殷命在城都指揮使秦彥暉夾水軍三萬浮江而下水軍副指揮使黃瑤帥

戰艦三百屯瀏陽口六月存等遇大雨引兵還至越堤北彥暉追之存數戰不利乃遺殷書詐降彥暉使謂殷曰此

必詐也勿受存與彥暉夾水而陳存遙呼曰殺降不祥公獨不為子孫計耶彥暉曰賊入吾境而不擊奚顧子孫鼓

譟而進存等走黃瑤自瀏陽引兵絕江與彥暉合擊大破之執存及知新裨將死者百餘人士卒死者以萬數獲戰

艦八百艘威以餘眾遁歸彥暉遂拔岳州殷釋存知新之縛慰諭之二人皆罵曰丈夫以死報主肯事賊乎遂斬之

許玄應引農王之腹心也常預政事張顥徐溫因其敗收斬之楚王殷遣兵會吉州刺史彭玕攻洪州不克武

貞節度使雷彥恭會楚兵攻江陵荆南節度使高季昌引兵屯公安絕其糧道彥恭敗楚兵亦走秋七月丙申雷

彥恭攻岳州不克辛亥以楚王殷兼武昌節度使充本道招討制置使九月雷彥恭攻潯陽公安高季昌擊敗之

彥恭貪殘類其父專以焚掠為事荆湖間常被其患又附於淮南丙申詔制置使官命季昌與楚王殷討之冬

十月高季昌遣其將倪可福會楚將秦彥暉攻朗州雷彥恭遣使乞降於淮南且告急弘農王遣將冷業將水軍屯

平江李饒將步騎屯瀏陽以救之楚王殷遣岳州刺史許德勳將兵拒之冷業進屯朗口德勳使善游者五十人以

木枝葉覆其首持長刀浮江而下夜犯其營且舉火業軍中驚擾德勳以大軍進擊大破之追至鹿角鎮擒業又破

瀏陽寨擒李饒掠上高唐年而歸斬業饒於長沙市

二年夏五月靜江節度使同平章事李瓊卒楚王殷以其弟永州刺史存知桂州事乙亥楚兵寇鄂州淮南所署

知州秦裴擊破之雷彥恭引沅江環朗州以自守秦彥暉頓兵月餘不戰彥恭守備稍懈彥暉使裨將曹德昌帥

壯士夜入自水竇內外舉火相應城中驚亂彥暉鼓譟壞門而入彥恭輕舟奔廣陵彥暉虜其弟彥雄送於大梁淮

南以彥恭為節度副使先是澧州刺史向瓌與彥恭相表裏至是亦降於楚楚始得澧朗二州湖南判官高郁請

澧朗二州  
高郁請置  
回國務實  
茶湖南富  
瞻  
殷遣使勸  
擊荆南李  
昌請和又  
遣李師周  
取劉隱六  
州  
周本僑危  
全諷彭彥  
章

宋郭昌師  
益皆降

聽民自采茶賣於北客收其征以贍軍楚王殷從之秋七月殷奏於汴荆襄唐鄆復州置回國務運茶於河南北賣之以易緡續戰馬而歸仍歲貢茶二十五萬斤詔許之湖南由是富贍九月荆南節度使高季昌遣兵屯漢口絕楚朝貢之路楚王殷遣其將許德勳將水軍擊之至沙頭季昌懼而請和殷又遣步軍都指揮使呂師周將兵擊嶺南與清海節度使劉隱十餘戰取昭賀梧州鬱容六州殷土宇既廣乃養士息民湖南遂安三年夏六月撫州刺史危全諷自稱鎮南節度使帥撫信袁吉之兵號十萬攻洪州淮南守兵纔千人將吏皆懼節度使劉威密遣使告急於廣陵日召僚佐宴飲全諷聞之屯象牙潭不敢進楚王殷遣指揮使苑政會袁州刺史彭彥章圍高安以助全諷徐溫以周本為西南面行營招討應援使將兵七千救高安本曰楚人為全諷聲援耳非欲取高安也吾敗全諷援兵必還乃疾趣象牙潭過洪州劉威欲犒軍本不肯留或曰全諷兵彊君宜觀形勢然後進本曰賊眾十倍於我我軍聞之必懼不若乘其銳而用之秋七月危全諷在象牙潭營柵臨溪亘數十里庚辰周州刺史彭彥章進攻吉州歙州刺史陶雅使其子敬昭及都指揮使徐章將兵襲饒信信州刺史危仔倡請降饒州刺史唐寶棄城走行營都指揮使米志誠都尉呂師造等敗苑政於上高吉州刺史彭玕帥眾數千人奔楚楚王殷表玕為郴州刺史為子希範娶其女四年夏六月楚王殷求為天策上將詔加天策上將軍殷始開天策府以弟賓為左相存為右相殷遣將侵荆南軍於油口高季昌擊破之斬首五千級逐北至白田而還冬十二月辰州蠻酋宋郭淑州蠻酋潘金盛恃其所居深險數擾楚邊至是郭寇湘鄉金盛寇武岡楚王殷遣昭州刺史呂師周將衡山兵五千討之乾化元年春正月呂師周引兵攀藤緣崖入飛山洞襲潘金盛擒送武岡斬之移兵擊宋郭冬十二月乙卯以朗州留後馬寶為永順節度使同平章事二年春二月辰州蠻酋宋郭昌師益皆降於楚楚王殷以郭為辰州刺史師益為淑州刺史夏四月癸丑以楚王殷為武安武昌靜江宣遠節度使洪鄂四面行營都統冬十一月吳淮南節度副使陳璋等將水軍襲楚岳州執刺史苑政楚王殷遣水軍都指揮使楊定貞救岳州璋等進攻荆南高季昌遣其將倪可福拒之吳恐楚人救荆南遣撫州刺史劉信帥江撫袁吉信五州兵屯吉州為璋聲援

王環執馬  
郭

殷用高郁  
策國用富  
統

彦章歸吳  
米和楚還  
其二人  
德勳料殷  
諸子必爭

均王乾化三年春正月。吳陳璋攻荆南。不克而還。荆南兵與楚兵會於江口。以邀之。璋知之。舟二百艘駢為一列。夜過二鎮。兵遽出追之。不能及。秋八月。楚宣遠節度使姚彥章將水軍侵吳鄂州。吳以池州團練使呂師造為水陸行營應援使。未至。楚兵引去。

四年夏四月。吳袁州刺史劉崇景叛附於楚。崇景威之子也。楚將許貞將萬人援之。吳都指揮使柴再用。米志誠帥諸將討之。楚岳州刺史許德勳將水軍巡邊。夜分南風暴起。都指揮使王環乘黃州。以繩梯登城。徑趣州署。執吳刺史馬鄴。大掠而還。德勳曰。鄂州將邀我。宜備之。環曰。我軍入黃州。鄂人不知。奄過其城。彼自救不暇。安敢邀我。乃展旗鳴鼓而行。鄂人不敢逼。五月。吳柴再用等與劉崇景許貞戰於萬勝岡。大破之。崇景貞棄袁州遁去。貞明三年春三月。楚王殷遣其弟存攻吳上高。俘獲而還。

龍德元年。辰淑州蠻侵楚。楚宣遠節度副使姚彥章討平之。

後唐莊宗同光元年。楚王殷遣其子牙內馬步都指揮使希範入見。納洪鄂行營都統印。上本道將吏籍。

二年夏四月乙亥。加楚王殷兼尚書令。

三年。初。楚王殷既得湖南。不征商旅。由是四方商旅輻湊。湖南地多鉛鐵。殷用軍都判官高郁等鑄鉛鐵為錢。商旅出境。無所用之。皆易它貨而去。故能以境內所餘之物。易天下百貨。國以富饒。湖南民不事桑蠶。耶命民輸稅者。皆以帛代錢。未幾。民間機杼大盛。

明宗天成元年秋九月。加楚王殷守尚書令。

二年夏五月。楚王殷遣中軍使史光憲入貢。過荆南。高季興執史光憲而奪其貢物。事見高氏六月丙申。封楚王殷為楚國王。

三年春二月。楚王殷遣六軍使袁詮副使王環等將水軍擊荆南。高季興。事見高氏夏四月。吳右雄武軍使苗璘

靜江統軍王彥章將水軍萬人攻楚岳州。至君山。楚王殷遣右丞相許德勳將戰艦千艘禦之。德勳曰。吳人掩吾不備。見大軍必懼而走。乃潛軍角子湖。使王環夜帥戰艦三百屯楊林浦。絕吳歸路。遲明。吳人進軍荆江口。將會荆南兵攻岳州。丁亥。至道人磯。德勳命戰棹都虞候詹信以輕舟三百出吳軍後。德勳以大軍當其前。夾擊之。吳軍大敗。虜璘及彥章以歸。吳遣使求和於楚。請苗璘王彥章歸。楚王殷歸之。使許德勳餞之。德勳謂二人曰。楚國雖舊。臣宿小

將猶在。願吳朝勿以措懷。必俟衆駒爭早。然後可圖也。時殷多內寵。嫡庶無別。諸子驕奢。故德輒語及之。六月。帝昭楚王殷討高季興。

希聲擅殺高郁

四年春三月。楚王殷命其子武安節度副使判長沙府希聲知政事。總錄內外諸軍事。自是國政先歷希聲。乃聞於殷。初。楚王殷用都軍判官高郁為謀主。國賴以富彊。鄰國皆疾之。莊宗入洛。殷遣其子希範入貢。莊宗愛其聲。敏曰。此間馬氏當為高郁所奪。今有子如此。郁安能得之。高季興亦屢以流言間郁於殷。殷不聽。乃遣使遣節副使知政事希聲書。盛稱郁功名。願為兄弟。使者言於希聲曰。高公常云。馬氏政事皆出高郁。此子孫之憂也。希聲信之。行軍司馬楊昭遂希聲之妻族也。謀代郁任。日譖之於希聲。希聲屢言於殷。稱郁奢僭。且外交鄰藩。請誅之。殷曰。成吾功業。皆郁力也。汝勿為此言。希聲固請罷其兵柄。乃左遷郁行軍司馬。郁謂所親曰。亟營西山。吾將歸老。則子漸大。能咋人矣。希聲聞之。益怒。明日矯以殷命。殺郁於府宮。勝論中外。証郁謀叛。并誅其族黨。至暮。殷尚未知。是日大霧。殷謂左右曰。吾昔從孫儒度淮。每殺不辜多致。茲異焉。步院豈有冤死者乎。明日吏以郁死告。殷撫膺大恸曰。吾老耄。政非已出。使我執舊橫罹冤酷。既而顧左右曰。吾亦何可久處此乎。

馬殷卒遣命諸子兄弟相繼繼

長興元年冬十月。楚王殷寢疾。遣使詣闕請傳位於其子。希聲朝廷疑殷已死。辛亥。以希聲為起復武安節度使兼侍中。十一月己巳。楚王殷卒。遣命諸子兄弟相繼。真劍於祠堂曰。違吾命者戮之。諸將議遣兵守四境。然後發喪。兵部侍郎黃損曰。吾喪君有君何備之有。宜遣使詣鄰道告終。稱嗣而已。丙戌。馬希聲襲位。稱遣命。去建國之制。復藩鎮之舊。十二月庚戌。以武安節度使馬希聲為武安靜江節度使。加兼中書令。

希聲卒希範襲位

二年冬十二月。武安靜江節度使馬希聲聞梁太祖嗜食雞。慕之。既襲位。日殺五十雞。為膳。居喪無戚容。庚申。葬武穆王於衡陽。將發引。頓食雞。雞數盤。前吏部侍郎潘起識之。曰。昔阮籍居喪。食蒸豚。何代無歸。三年秋七月。武安靜江節度使馬希聲以湖南比年大旱。命閉南嶽及境內諸神祠。門竟不雨。辛卯。希聲卒。六軍使袁詮潘約等迎鎮南節度使希範於朗州而立之。八月。馬希範至長沙。辛酉。襲位。九月壬午。以鎮南節度使馬希範為武安節度使兼侍中。

希旺為希範

四年春二月乙卯。以馬希範為武安武平節度使兼中書令。初。馬希聲希範同日生。希聲母曰袁德妃。希範母曰陳氏。希範怨希聲先立不讓。及嗣位。不禮於袁德妃。希聲母弟希旺為親從都指揮使。希範多譴責之。袁德妃請納。

范謫責

裴仁煦

希希果

范欲圖之

其母華夫

人請罪乃

免死

希希夫人

希希始繼

聲色

希希以

希希以

希希以

希希以

希希以

希希以

希旺官為道士。不聽解其軍職。使居竹屋草門。不得預兄弟燕集。德妃卒。希旺憂憤而卒。

潞王清泰元年春正月壬辰。以武安武平節度使馬希範為楚王。

後晉高祖天福元年。靜江節度使同平章事馬希杲有善政。監軍裴仁煦詣之。於楚王希範言其收衆心。希範疑之。

夏四月。漢王孫德威侵蒙桂二州。希範命其弟武安節度使希範權知軍府事。自將步騎五千如桂州。希杲懼。

其母華夫人逆希範於全義。領謝曰。希杲為治無狀。致寇戎入境。煩殿下親涉險阻。皆妾之罪也。願削封邑。灑掃掖

庭。以贖希杲罪。希範曰。吾久不見希杲。聞其治行尤異。故來省之。無它也。漢兵自蒙州引去。徙希杲知朗州。秋七

月庚寅。楚王希範自桂州北還。

二年冬十二月。詔加馬希範江南諸道都統制置武平靜江等軍事。

三年冬十月。楚順賢夫人彭氏卒。彭夫人貌陋而治家有法。楚王希範憐之。既卒。希範始縱聲色。為長夜之飲。內外

無別。商人妻美。希範殺其夫而奪之妻。希範不察。自以為死。

四年夏四月戊申。加楚王希範天策上將軍。賜印綬。開府置官屬。黔南巡內溪州刺史彭士愁引獎錦州蠻萬餘人

寇辰澧州。九月辛未。楚王希範命左都督江州節度使劉勅洪勝指揮使廖匡衡帥山兵五千討之。冬十一月。楚王

希範始開天策府。置護軍都統領軍司馬等官。以諸弟及將校為之。又以幕僚拓跋恒李弘舉廖匡圖徐仲雅等十

八人為學士。劉勅等進攻溪州。彭士愁兵敗棄州走保山寨。石崖四絕。勅為梯。拽上圍之。彥國齊戰死。楚王希範遣

弔其母。其母不哭。謂使者。庾氏三百口受王溫飽之賜。舉族效死。未足以報。况一子乎。願王無以為念。王以其母為

賢。厚恤其家。

五年春正月。楚劉勅等因大風。以火箭焚彭士愁寨。而攻之。士愁帥麾下逃入獎錦深山。乙未。遣其子師曷帥諸酋

長納溪錦獎三州。印請降於楚。二月。劉勅引兵還長沙。楚王希範徙溪州於便地。表彭士愁為溪州刺史。以劉勅

為錦州刺史。自是羣蠻服於楚。希範自謂伏波之後。以銅五千斤鑄柱。高二尺。入地六尺。銘誓狀於上。立之溪州。

七年冬十月。楚王希範作天策府極棟宇之盛。戶牖欄檻皆飾其金玉。室壁用丹砂數十萬斤。地衣春夏用角。秋

冬用木。與于弟僚屬遊宴其間。

齊王天福八年。楚地多產金銀。茶利尤厚。由是財貨豐殖。而是王希範奢欲無厭。喜自誇大。為長槍大槊飾之以金

服飾楚

劉勅敗彭士愁羣蠻

士秋羣蠻

服飾楚

少敵袁友  
恭欲立希  
葛劉彥瑄  
等欲立希  
廣固爭不  
從  
如彼恒言  
希廣當讓  
希若不決  
希崇遺書

道藏彙編  
卷二百三十五

可執而不可用。募富民年少肥澤者八千人為銀鎗都宮室園囿服用之物務窮侈靡。作九龍殿刻沈香為八龍飾以金寶。長十餘丈。抱柱相向。希範居其中。自為一龍。其頭脚長丈餘。以象龍角。用度不足。重為賦斂。每遣使者行田。專以增頃畝為功。民不勝租賦而逃。王曰。但令田在。何憂無穀。命營田使鄧懿文籍逃田。募民耕藝。出租民捨故從新。僅能自存。自西徂東。各失其業。又聽人入財拜官。以財多少為官高卑之差。富商大賈布在列位。外官還者必責貢獻。民有罪則富者輸財。彊者為兵。惟貧弱受刑。又置函使人投匿名書相告訐。至有滅族者。是歲用孔目官周陟議。令常稅之外。大縣貢米二千斛。中千斛。小七百斛。無米者輸布帛。天策學士拓跋恒上書曰。殿下長深宮之中。藉已成之業。身不如稼穡之勞。耳不聞鼓鼙之音。馳騁遨遊。雕牆玉食。府庫盡矣。而浮費益甚。百姓困矣。而厚斂不息。今淮南為仇讎之國。蚩黑懷吞噬之心。荆者日圖環伺。溪洞待我姑息。訪曰。足寒傷心。民怨傷國。願罷輸米之令。誅周陟以謝郡縣。云不急之務。減興作之役。無令一旦禍敗。為四方所笑。王大怒。它日恒請見。辭以晝寢。恒謂客將區弘練曰。王是欲而復諫。吾見其千口飄零無日矣。王益怒。遂終身不復見之。

開運二年秋七月。楚王希範疑靜江節度使兼侍中知朗州希杲得人心。遣人伺之。希杲懼。稱疾求歸。不許。遣醫往視疾。因毒殺之。冬十二月。楚相陰處士戴偃為詩多譏刺。楚王希範囚之。大策副都軍使丁思瑾上書切諫。希範削其官爵。

三年秋九月。楚王希範知帝好奢靡。以珍玩為獻。求都元帥。甲辰。以希範為諸道兵馬都元帥。後漢高祖天福十二年。夏五月。武安節度使副天策府右尉領鎮南節度使馬希廣。楚文昭王希範之母弟也。性謹順。希範愛之。使判內外諸司事。壬辰。夜希範卒。將佐議所立。都指揮使張少敵。都押牙袁友恭。以武平節度使知永州事希範弟希範諸弟為最長。請立之。長直都指揮使劉彥瑫。天策府學士李弘皋。鄧懿文。小門使楊滌。皆欲立希廣。張少敵曰。永州齒長而性剛。必不為都尉之下。明矣。必立都尉當思長策。以制永州。使帖然不動。則可不然。社稷危矣。彥瑫等不從。天策府學士拓跋恒曰。三十五郎雖判軍府之政。然三十郎若長。請遣使以讓之。不然。必起爭端。彥瑫等皆曰。今日軍政在手。天與不取。使它人得之。異日吾輩安所自容乎。希廣懦弱。不能自決。乙未。彥瑫等稱希範遺命。共立之。張少敵退而歎曰。禍其始此乎。與拓跋恒皆積疾不出。秋七月甲午。以馬希廣為天策上將軍。安節度使。江南諸通都統兼中書令。封楚王。冬十月。楚王希廣庶弟天策左司馬希崇。性狡險陰。遣兄希範書。立劉彥瑫等。違先王之命。廢

希希激怒  
具未希廣  
歸分則與  
之

希希將攻  
希希妻死  
氏諫不聽  
赴井死  
希希戒王  
勿傷希

馬希範  
諫希希希  
廣交爭不  
從病疽卒  
希希諫  
蠻攻益陽  
陳瑤敗死  
希希稱藩  
于唐乞師  
攻楚命何  
敬洙助之  
劉彥瑫敗  
于希希

長立少以激怒之希希自永州來奔喪乙巳至跌石彥瑫白希廣遣侍從都指揮使周廷誨等將水軍逆之命永州將士皆釋甲而入館希希於碧湘宮成服於其次不聽入與希廣相見希希求還朗州周廷誨勸希廣殺之希廣曰吾何忍殺兄宜分潭朗而治之乃厚贈希希遣還朗州希希常為希希詞希廣語言動作悉以告之約為內應乾祐元年秋八月武平節度使馬希希請與楚王希廣各修職貢求朝廷別加官爵希廣用天策府內都押牙歐弘練進奏官張仲荀謀厚賂執政使拒其請九月壬子賜希希及楚王希廣詔書諭以兄弟宜相輯睦凡希希所貢當附希廣以聞希希不從

隱帝乾祐二年秋八月馬希希志調朗州丁壯為鄉兵造號靜江軍作戰艦七百艘將攻潭州其妻死氏諫曰兄弟相攻勝負為人所笑不聽引兵趣長沙馬希廣聞之曰朗州吾兄也不可與爭當以國讓之而已劉彥瑫李弘皋等固爭以為不可乃以兵州刺史王贊為都部署戰棹指揮使以彥瑫監其軍已且大破希希於僕射洲獲其戰艦三百艘贊追希希將及之希廣遣使召之曰勿傷吾兄贊引兵還贊環之子也希希自赤沙湖乘輕舟遁歸死氏泣曰禍將至矣余不忍見也赴井而死冬十月壬午加楚王希廣太尉楚靜江節度使馬希瞻以兄希希希廣交爭屢遣使諫止不從知終覆族疽發於背丁亥卒

三年夏六月馬希希既敗歸乃以書誘辰澧州及梅山蠻欲與共擊湖南蠻素聞長沙帑藏之富大喜率出兵赴之遂攻益陽楚王希廣遣指揮使陳瑤拒之戰於淹溪瑤敗死秋七月馬希希又遣羣蠻攻迪田八月戊戌破之殺其鎮將張延嗣楚王希廣遣指揮使黃處超救之處超敗死潭人震恐復遣牙內指揮使崔洪璉將兵七千屯玉潭馬希希表請別置進奏務於京師九月辛巳詔以湖南已有進奏務不許亦賜楚王希廣詔勸以敦睦馬希希以朝廷意佑楚王希廣怒遣使稱藩於唐乞師攻楚唐加希希同平章事以鄂州今年租稅賜之命楚州刺史何敬洙將兵助希希冬十月丙午希希遣上使表告急言荆南嶺江南連謀欲分湖南之地乞發兵屯澧州以扼江南荆南援朗州之路楚王希廣以朗州與山蠻入寇諸將屢敗憂形於色劉彥瑫言於希廣曰朗州兵不滿萬馬不滿千都府精兵十萬何憂不勝願假臣兵萬餘人戰艦百五十艘徑入朗州縛取希希以解大王之憂王悅以彥瑫為戰棹都指揮使朗州行營都統彥瑫入朗州境父老爭以牛酒犒軍曰百姓不願從亂望都府之兵久矣彥瑫厚賞之戰艦過則運竹木以斷其後是日馬希希遣朗兵及蠻兵六十戰艦百艘逆戰於涓州彥瑫乘風縱火以焚其艦

希廣不肯  
執希崇

王資正言  
希崇意引  
兵去

師高請希  
廣速除可  
境不聽

項之風回反自楚彥瑤還走江路已斷士卒戰及溺死者數千人希廣聞之泣涕不知所為希廣平日罕頒賜至是大出金帛以取悅於士卒或告天策左司馬希崇流言惑眾反狀已明請殺之希廣曰吾自害其弟何以見先王於地下馬軍指揮使張暉將兵自它道擊朗州至龍陽聞彥瑤敗退屯益陽希崇又遣指揮使朱進忠等將兵三千急攻益陽張暉給其衆曰我以麾下出賊後汝輩留城中待我相與合勢擊之既出遂自竹頭市遁歸長沙朗州兵知城中無主急擊之士卒九十餘人皆死十一月楚王希廣遣其僚屬孟駢說馬希萼曰公忘父兄之讎北面事唐何異袁譚求救於曹公耶希萼將斬之駢曰古者兵交使在其間駢若愛死安肯此來駢之言非私於潭人實為公謀也乃釋之使還報曰大義絕矣非地下不相見也朱進忠請希萼自將兵取潭州辛未希萼留其子光贊守朗州悉發境內之兵趣長沙自稱順天王先是馬希萼遣蠻兵圍玉潭朱進忠引兵會之崔洪璉兵敗奔還長沙希萼引兵進攻岳州刺史王贊拒之五日不克希萼使人謂贊曰公非馬氏之臣乎不事我欲事異國乎為人臣而懷貳心豈不辱其先人贊曰亡父為先王將六波淮南兵今大王兄弟不相容贊常恐淮南坐收其弊一旦以遺體臣淮南誠辱先人耳大王苟能釋憾罷兵兄弟雍睦如初贊敢不盡死以事大王兄弟豈有二心乎希萼慰引兵去辛卯至湘陰焚掠而過至長沙軍於湘西步兵及蠻兵軍於嶽麓朱進忠自玉潭引兵會之馬希廣遣劉彥瑤召水軍指揮使許可瓊帥戰艦五百艘屯城北津屬於南津以馬希崇為監軍又遣馬軍指揮使李彥溫將騎兵屯口扼湘陰路步軍指揮使韓禮將二千人屯楊柳橋扼柵路可瓊德勲之子也初蠻酋彭師高降於楚楚人忌其獷直楚王希廣獨憐之以為彊弩指揮使領辰州刺史師高常欲為希廣死及朱進忠與蠻兵合七千餘人至長沙營於江西師高登城望之言於希廣曰朗人驕勝而驕難難以蠻兵攻之易破也願假臣步卒三千自巴溪渡江出岳麓之後至水西令許可瓊以戰艦度江腹背合擊必破之前軍敗則其大軍自不敢輕進矣希廣將從之時馬希萼已遣間使以厚利啖許可瓊許分湖南而治可瓊有貳心乃謂希廣曰師高曰與梅山諸蠻皆族類安可信也可瓊世為楚將必不負大王希萼竟何能為希廣乃止希萼尋以戰艦四百餘艘泊江西希廣命諸將皆受可瓊節度日賜可瓊銀五百兩希廣屢造其營計事可瓊常閉門不使士卒知朗軍進退希廣歎曰真將軍也吾何憂哉可瓊或夜來單舸詐稱巡江與希萼會水西約為內應一旦彭師高見可瓊瞋目叱之拂衣入見希廣曰可瓊將叛國人皆知之請速除之無貽後患希廣曰可瓊許侍中之子豈有是耶師高退歎曰王仁而不斷敢亡可翹足俟也潭州大雪平地四

希廣誦經求福

可瓊舉全家降希萼長沙遂陷

希崇詣希萼勸進

希萼殺李安臯宏節唐昭眉楊潞鄭懿文希萼欲殺希廣朱建忠請殺之拓跋恒不仕希萼希萼以軍府事希崇

尺潭朗兩軍久不得戰希廣信巫覡及僧語望鬼於江上舉手以卻朗兵又作大像於高樓手指水西怒目視之命衆僧日夜誦經希廣自衣僧服膜拜求福甲辰朗州步兵指揮使武陵何敬真等以蠻兵三千陳於楊柳橋敬真望韓禮營旌旗紛錯曰彼衆已懼擊之易破也朗人雷暉衣潭卒之服潛入禮寨手劍擊禮不中軍中驚擾敬真等乘其亂擊之禮軍大潰禮被創走至家而卒於是朗兵水陸急攻長沙步軍指揮使吳宏小門使楊潞相謂曰以死報國此其時矣各引兵出戰宏出清泰門戰不利潞出長樂戰自辰至午朗兵小卻許可瓊劉彥瑠按兵不救潞士卒飢疲退就食彭師昌戰於城東北隅蠻兵自城東縱火城上人招許可瓊軍使救城可瓊舉全軍降希萼長沙遂陷朗兵及蠻兵大掠三日殺吏民焚廬舍自武穆王以來所營宮室皆為灰燼所積寶貨皆入蠻落李彥溫望見城中火起自駭口引兵救之朗人已據城拒戰彥溫攻清泰門不克與劉彥瑠各將千餘人奉文昭王及希廣諸子趣袁州遂奔唐張暉降於希萼左司馬希崇帥將吏詣希萼勸進吳宏戰血滿袖見希萼曰不幸為許可瓊所誤今日死不愧先王矣彭師昌投槊於地大呼請死希萼數曰鐵石人也皆不殺乙巳希崇迎希萼入府視事開城分捕希廣及掌書記李弘臯弟弘節都軍判官唐昭眉及鄧懿文楊潞等皆獲之希萼謂希廣曰承父兄之業豈無長幼乎希廣曰將吏見推朝廷見命耳希萼皆囚之丙午希萼命內外巡檢侍衛指揮使劉賓禁止焚掠丁未希萼自稱天策上將軍武安武平靜江甯遠等軍節度使楚王以希崇為節度副使判軍府事湖南要職悉以朗人為之饋食李弘臯弘節唐昭眉楊潞斬鄧懿文於市戊申希萼謂將吏曰希廣懦夫為左右所制耳吾欲生之可乎諸將皆不對朱進忠曰嘗為希廣所答對曰大王三年血戰始得長沙一國不容二主它日必悔之戊申賜希廣死希廣臨刑猶誦佛書彭希高葬之於瀏陽門外楚王希萼以子光贊為武平留後以何敬真為朗州牙內都指揮使將兵戍之希萼召拓跋恒欲用之恒稱疾不起後周太祖廣順元年春二月甲辰楚王希萼遣掌書記劉光輔入貢於唐三月唐以楚王希萼為天策上將軍武安武平靜江甯遠節度使兼中書令楚王以右僕射孫忌客省使姚鳳為冊禮使楚王希萼既得志多思舊怨殺戮無度晝夜縱酒荒淫悉以軍府事委焉希崇希崇復多私曲政刑紊亂府庫既盡於亂兵藉民財以賞資士卒或封其門而取之士卒猶以不均怨望雖朗州舊將佐從希萼來者亦皆不悅有離心劉光輔之人貢於唐也唐主待之厚光輔密言湖南民疲主驕可取也唐主乃以營屯都虞候邊錫為信州刺史將兵屯袁州潛圖進取小門使謝彥頤本希萼家奴以首面有寵於希萼至與妻妾雜坐恃恩專橫常肩隨希崇或

希崇謝  
彥碩

王達周行  
達選歸朗  
州點馬光  
贊奉光惠  
知州事

王達周行  
達何敬真  
廢光惠迎  
劉言為留  
後

徐威等殺  
謝彥碩因  
希崇立希  
崇為留後

希崇懼劉  
言入討殺  
楊仲敏劉  
光輔魏師

希崇  
師焉謹事  
希崇  
與師焉立  
希崇為衡

史記卷一百一十五  
卷一百一十五

拊其背。希崇衡之。故事府宴小門使執鉄在門外。希崇使彥碩同坐。或居諸將之上。諸將皆恥之。希崇以府舍焚蕩。命朗州靜江指揮使王達副使周行達帥所部兵千餘人治之。執役甚勞。又無犒賜。士卒皆怨。竊言曰。囚免死則役作之。我輩從大王出萬死取湖南。何罪而囚役之。且大王終日酣歌。豈知我輩之勞苦乎。達行達聞之。相謂曰。眾怨深矣。不早為計。禍及吾曹。士中旦帥其眾各執長柯斧白梃。逃歸朗州。時希崇醉未醒。左右不敢白。癸酉始白之。希崇遣湖南指揮使唐師翥將千餘人追之。不及。直抵朗州。達等乘其疲乏。伏兵縱擊。士卒死傷殆盡。師翥脫歸。達等黜留後馬光贊。更以希崇兄子光惠知州事。光惠希振之子也。尋奉光惠為節度使。達等與何敬真及諸軍指揮使張儆參決軍府事。希崇具以狀言於唐。唐王遣使以厚賞招諭之。達等納其賞。縱其使。不答其詔。唐亦不敢詰也。武平節度使馬光惠愚懦嗜酒。不能服諸將。王達周行達何敬真謀以辰州刺史廬陵劉言驍勇得蠻夷心。欲迎以為副使。言知達等難制。曰。不往將攻我。乃單騎赴之。既至。眾廢光惠送於唐。推言權武平留後。表求旄節於唐。唐人未許。亦稱藩於周。秋九月。楚王希崇既克長沙。不賞。許可瓊疑可瓊怨望。出為蒙州刺史。遣馬步都指揮使徐威左右軍馬步使陳敬遷水軍都指揮使魯公綰牙內侍衛指揮使陸孟俊帥兵部立寨於城西北隅。以備朗兵。不存撫役者。將卒皆怨。怒謀作亂。希崇知其謀。戊寅。希崇宴將吏。徐威等不預。希崇亦辭疾不至。威等使人先擊踣馬十餘人。入府。自帥其徒執斧斤白梃。聲言繫馬。奄至座上。縱橫擊人。顛踣滿地。希崇踰垣走。威等執囚之。執謝彥碩自頂及踵剄之。立希崇為武安留後。縱兵大掠。幽希崇於衡山縣。劉言聞希崇立遣兵趣潭州。聲言討其篡奪之罪。士午軍於益陽之西。希崇懼。發兵二千拒之。又遣使如朗州求和。請為鄰蕃。掌書記桂林李觀象說言曰。希崇舊將佐猶在長沙。此必不欲與公為鄰。不若先徵希崇取其首。然後圖湖南可兼有也。言從之。希崇畏言。即斷都軍判官楊仲敏掌書記劉光輔牙內指揮使魏師進都押牙黃勣等十餘人首。遣前辰陽縣令李翊齎送朗州。至則虜賊言與王達等皆以為非。仲敏等首怨。責翊翔惶。恐自殺。希崇既篡位。亦縱酒荒淫。為政不公。語多矯異。國人不附。初馬希崇入長沙。彭師高雖免死。猶杖背黜為民。希崇以為師高必怨之。使送希崇於衡山。實欲師高殺之。師高曰。欲使我為弑君之人乎。奉事逾謹。丙戌。至衡山。衡山指揮使廖偃匡圖之子也。與其季父節度巡官匡凝謀曰。吾家世受馬氏恩。今希崇長而被黜。必不免禍。盍相與輔之。於是帥莊戶及鄉人悉為兵。與師高共立希崇為衡山王。以縣為行府。斷江為界。編竹為戰艦。以師高為武清節度使。召募徒眾數日至萬餘人。州縣多應之。遣判官劉虛已求援。

山王  
希崇懷徐  
威等為亂  
請兵於唐  
唐遣錫入  
請降

唐百官共  
賀湖南平  
高遠李定  
勳獨憂有  
禍

唐潭人忌  
希崇請遷  
錫為帥  
邊錫趣希  
崇帥族人  
朝

吳懷恩進  
兵馬希隱  
許可攻奔  
全州南漢  
盡有嶺南  
地

於唐徐威等見希崇所為知必無成又畏朗州衡山之逼恐一朝喪敗俱及禍欲殺希崇以自解希崇微覺之大懼密遣客將范守牧奉表請兵於唐唐主命邊錫自袁州將兵萬人西趣長沙冬十月唐邊錫引兵入醴陵癸巳楚王希崇遣使犒軍士寅遣天策府學士拓跋恒奉牋詣錫請降恒歎曰吾久不死乃為小兒送降狀癸卯希崇帥弟姪迎錫望塵而拜錫下馬稱詔勞之甲辰希崇等從錫入城錫舍於瀏陽門樓湖南將吏畢賀錫皆厚賜之時湖南饑饉錫大發馬氏倉粟賑之楚人大悅癸丑唐武昌節度使劉仁贍帥戰艦二百取岳州撫納降附人志其亡仁贍金之子也唐百官共賀湖南平起居郎高遠曰我稱楚亂取之甚易觀諸將之才但恐守之甚難耳遠幽州人也司徒致仕李建勳曰禍其始於此乎唐主自即位以來未嘗親祠郊廟禮官以為請唐主曰侯天下一家然後告謝及一舉取楚謂諸國指揮可定魏岑侍宴言臣少遊元城樂其風土侯陛下定中原乞魏博節度使唐主許之岑起下拜謝其主驕臣佞如此馬希崇望唐人立己為潭帥而潭人惡希崇共請邊錫為帥唐主乃以錫為武安節度使唐邊錫趣馬希崇帥其族人入朝馬氏聚族相泣欲重賂錫奏乞留居長沙錫微哂曰國家與公家世為仇敵殆六十年然未嘗敢有意窺公之國今公兄弟鬩閭困窮自歸若復二三恐有不測之憂希崇無以應十一月辛酉吳宗族及將佐千餘人號慟登舟送者皆天響振川谷楚靜江節度副使知桂州馬希隱武穆王殷之少子也楚王希廣希善兄弟爭國南漢主以內侍使吳懷恩為西北招討使將兵屯境上伺間密謀進取希廣遣指揮使彭彥暉將兵屯龍峒以備之希善自衡山遣使以彥暉為桂州都監在城外內巡檢使判府事希隱惡之晉遣人告蒙州刺史許可瓊可瓊方畏南漢之逼即棄蒙州引兵趣桂州與彥暉戰於城中彥暉敗奔衡山可瓊留屯桂州吳懷恩據蒙州進兵侵掠桂管大擾希隱可瓊不知所為但相與飲酒對泣南漢主遣希隱書言武穆奄有全楚富強安靖五十餘年正由三十五舅三十舅兄弟尋戈自相魚肉舉先人基業北面仇讎今聞唐兵已據長沙竊計桂林繼為所取當朝世為與國重以昏姻親茲傾危忍不赴救已發大軍水陸俱進當令相公舅永擁節旄常居方面希隱得書與僚佐議降之文使潘玄珪以為不可丙寅吳懷恩引兵奄至城下希隱可瓊帥其眾夜斬關奔全州桂州遂潰懷恩因以兵略定宜連梧嚴富昭柳象龔等州南漢始盡有嶺南之地辛未唐邊錫遣先鋒指揮使李承嚴將兵如衡山趣馬希崇入朝唐主希崇與將佐士卒萬餘人自潭州東下十二月唐主以鎮南節度使兼中書令宋齊丘為太傅以馬希崇為江南西道觀察使守中書令鎮洪州仍賜爵楚王以馬希崇為永泰節度使兼侍中鎮舒州湖南將